

# Rhaglen Gyflawn



Gwasanaeth Democratiaeth  
Swyddfa'r Cyngor  
CAERNARFON  
Gwynedd  
LL55 1SH

At: Aelodau'r Pwyllgor Safonau

12/06/19

Annwyl Aelod,

## **PWYLLGOR SAFONAU – 17 MEHEFIN, 2019 RHAGLEN ATODOL**

Atodaf raglen atodol yng nghyswllt yr eitem isod:-

### **6. CAIS AM ODDEFEB**

2 - 6

Ystyried adroddiad y Swyddog Monitro (ynghlwm).

Yn gywir,

**Swyddog Cefnogi Aelodau**

# Eitem 6

<b>PWYLLGOR :</b>	<b>Pwyllgor Safonau</b>
<b>DYDDIAD :</b>	<b>17 Mehefin 2019</b>
<b>TEITL :</b>	<b>Cais am oddefeb</b>
<b>AWDUR :</b>	<b>Swyddog Monitro</b>
<b>GWEITHREDU :</b>	<b>Penderfynu ar y cais</b>

## Cefndir

1. Derbyniwyd cais am oddefeb gan y Cynghorydd Gareth Roberts sy'n aelod o Gyngor Gwynedd yn cynrychioli ward Aberdaron. Atodir copi o'i ffurflen gais i'r adroddiad hwn. Mae'r cais yn ymwneud â chynllun creu trydan arfaethedig ger Ynys Enlli, sydd yn ei ward, a lle mae hefyd yn ffermio fel tenant.

## Ystyriaethau

2. Mae gan y Pwyllgor Safonau'r hawl i ganiatáu goddefeb os yw'r sefyllfa yn dod o fewn un (neu fwy) o'r sefyllfaoedd a restrir yn y rheoliadau perthnasol. Mae'r sefyllfaoedd yma wedi eu rhestri ar y ffurflen amgaedig. Rhaid i'r Pwyllgor felly ystyried os yw cais yn dod o fewn un o'r sefyllfaoedd hyn.

3. Os yw'n fodlon ei fod yn dod o fewn un o'r categorïau hyn rhaid i'r Pwyllgor wedyn ystyried a ddylid caniatáu i'r aelod gael cymryd rhan er bod y Cod Ymddygiad yn darparu na ddylai gael gwneud hynny. Mae'r Cod Ymddygiad yn darparu nad ddylai aelod sydd â buddiant sy'n rhagfarnu mewn mater gymryd unrhyw ran mewn penderfyniad ar y mater hwnnw. Pwrpas hyn yw rhoi hyder i'r cyhoedd bod penderfyniadau yn cael eu gwneud er y budd gorau iddynt hwy, nid budd gorau aelodau neu bobl mae ganddynt gysylltiad personol agos â nhw.

4. Mae canllawiau'r Ombwdsmon ar y Cod Ymddygiad yn nodi'r canlynol mewn cysylltiad â goddefebau:

*“Bydd angen i'r pwyllgor safonau gydbwyso budd y cyhoedd mewn atal aelodau sydd â buddiant sy'n rhagfarnu rhag cymryd rhan mewn penderfyniadau, yn erbyn budd y cyhoedd mewn gwneud penderfyniadau gan grŵp o aelodau'r awdurdod sy'n weddol gynrychioladol.”*

## Argymhelliad

5. Gofynnir i'r Pwyllgor ystyried a phenderfynu ar y cais gerbron.

# Cais i'r Pwyllgor Safonau am Oddefeb

NI YSTYRIR EICH CAIS OS NA GWBLHEIR POB RHAN O'R Y FFURFLEN HON

## 1. MANYLION PERSONOL

1.1 Eich enw

William Gareth Roberts

1.2 Enw eich Cyngor

Gwynedd

1.3 Eich cyfeiriad a rhif ffôn cyswllt

Cwrt

Aberdaron

Pwllheli

## 2. MANYLION EICH BUDDIANT

2.1 Beth yw'r eitem dan sylw?

Mae cwmni o'r enw Nova Innovations yn ymgeisio i sefydlu cynllun i osod tyrbeini trydan tanddwr ger Enlli sydd yn rhan o fy Ward. Rwyf yn denant ffermio ar Enlli. Mae posibilrwydd byddai yr ynni o'r tyrbeini yn glanio ar Enlli yn y lle cyntaf cyn ei drosglwyddo drwy wifren i'r tir mawr. Byddai dymuniad gan Enlli gael cyflenwad o'r ynni ar gyfer gweasanaethu'r holl eiddo ar yr Ynys

2.1 Sut mae eich buddiant yn yr eitem yn codi?

Mae amrywiol gyfarfodydd yn codi eu pennau gan fod y cwmni Nova yn ceisio cefnogaeth a grantiau ayyb Gan fod Enlli yn rhan o fy Ward a'r buddiant yn un cyffredinol i bopeth ar Enlli ac nid fi yn unig fel tenant ffermio hoffwn gymeryd rhan llawn mewn unrhyw gyfarfod sy'n debygol o godi

## 3. MANYLION EICH CAIS

3.1 Ydych chi'n gofyn am oddefeb i siarad a phleidleisio neu i siarad yn unig?

Siarad a phleidleisio

3.2 Ydych chi'n:

(a) gofyn am oddefeb ar gyfer cyfarfod penodol? Os felly nodwch pa un:

neu,

*I'w dychwelyd i'r Swyddog Monitro, Cyngor Gwynedd, Caernarfon, LL55 1SH.*

*Os oes gennych unrhyw gwestiynau am y ffurflen hon, cysylltwch â'r Uwch Gyfreithiwr (Corfforaethol):  
ffôn - 01286 679168 e-bost - [sionH@gwynedd.gov.uk](mailto:sionH@gwynedd.gov.uk)*

(b) gofyn am oddefeb cyffredinol i gymryd rhan pryd bynnag fydd y mater yn codi?

la

**4. Mae'r Rheoliadau perthnasol yn gosod yr amgylchiadau lle y gall y Pwyllgor Safonau roi goddefeb a cheir crynodeb ohonynt isod (mae'r manylion llawn i'w gweld yn y nodiadau i'r ffurflen hon). Nodwch pa un o'r amgylchiad(au) hynny sy'n berthnasol i'ch cais drwy dicio'r blwch/blychau perthnasol:**

<ul style="list-style-type: none"><li>• mae buddiant gan o leiaf hanner yr aelodau sy'n ystyried y mater</li></ul>	<input type="checkbox"/>
<ul style="list-style-type: none"><li>• byddai'r ffaith nad wyf yn medru cymryd rhan yn tarfu ar gydbwysedd gwleidyddol y cyfarfod i'r fath raddau nes y byddai'r canlyniad yn debygol o gael ei effeithio</li></ul>	<input type="checkbox"/>
<ul style="list-style-type: none"><li>• ni fyddai fy nghyfranogiad yn niweidio hyder y cyhoedd</li></ul>	<input type="checkbox"/>
<ul style="list-style-type: none"><li>• mae'r buddiant yn gyffredin i mi ac i gyfran arwyddocaol o'r cyhoedd</li></ul>	<input type="checkbox"/>
<ul style="list-style-type: none"><li>• mae yna gyfiawnhad i mi gymryd rhan oherwydd fy rôl neu fy arbenigedd penodol</li></ul>	<input checked="" type="checkbox"/>
<ul style="list-style-type: none"><li>• mae'r busnes i'w ystyried gan bwyllgor craffu ac nid oes gennyf fuddiant ariannol</li></ul>	<input type="checkbox"/>
<ul style="list-style-type: none"><li>• mae'r busnes yn berthnasol i arian neu eiddo corff gwirfoddol yr wyf yn aelod o'i bwyllgor neu ei fwrdd rheoli ac nid oes gennyf unrhyw fuddiant arall</li></ul>	<input type="checkbox"/>

**5. Nodwch isod pam y credwch y dylai'r Pwyllgor Safonau ganiatáu eich cais (h.y. pam yr ydych yn credu y dylech gael caniatâd i fod yn bresennol yn y cyfarfod fel aelod, er bod gennych fuddiant sy'n rhagfarnu?)**

Er y byddai cyflenwad o'r ynni o fantais i mi fel tenant ffermio yn nhermau y fantais i Enlli yn gyffredinol bach iawn fyddai fy nghyfran i o gymharu a'r gweddill

Mae cael cyflenwad o ynni ac yn enwedig ynni "gwyrdd" fel hun wrth ystyried yr holl ddynodiadau sy'n berthnasol i Enlli yn amhrisiadwy.

Mae dyfodol Enlli yn ddibynnol ar gyflenwad o ynni ychwanegol a byddai colli y cyfle yma oherwydd fy mod fel Aelod Lleol yn digwydd bod yn denant ffermio yma yn drychinebus

*I'w dychwelyd i'r Swyddog Monitro, Cyngor Gwynedd, Caernarfon, LL55 1SH.*

*Os oes gennych unrhyw gwestiynau am y ffurflen hon, cysylltwch â'r Uwch Gyfreithiwr (Corfforaethol):  
ffôn - 01286 679168 e-bost - sionH@gwynedd.gov.uk*

(gallwch barhau ar dudalen ar wahân os oes angen)

Arwyddwyd \_\_\_\_\_ Dyddiad \_\_\_\_\_

*I'w dychwelyd i'r Swyddog Monitro, Cyngor Gwynedd, Caernarfon, LL55 1SH.*

*Os oes gennych unrhyw gwestiynau am y ffurflen hon, cysylltwch â'r Uwch Gyfreithiwr (Corfforaethol):  
ffôn - 01286 679168 e-bost - sionH@gwynedd.gov.uk*

[www.gwynedd.gov.uk](http://www.gwynedd.gov.uk)

Tud. 5



## Nodiadau ar gwblhau'r ffurflen

1. Hon yw'r ffurflen ar gyfer cyflwyno cais am oddefeb, sef caniatâd i gymryd rhan mewn trafodaeth er bod gennych *'fuddiant sy'n rhagfarnu'* o dan y Cod Ymddygiad. Gellir cael gwybodaeth bellach am fuddiannau yn y Cod Ymddygiad ei hun, Canllawiau'r Ombwdsmon ac yn llyfryn 'Buddiannau' Cyngor Gwynedd.

### **2. Yr amgylchiadau lle gellir caniatáu gollyngiadau**

Mae gan y Pwyllgor Safonau'r hawl i ganiatáu cais os yw'n dod o fewn un o'r amgylchiadau a restrir yn *Rheoliadau Pwyllgorau Safonau (Caniatáu Gollyngiadau) (Cymru) 2001*, sef:

“(a) os oes gan ddim llai na hanner aelodau'r awdurdod perthnasol neu hanner aelodau un o bwyllgorau'r awdurdod (yn ôl fel y digwydd) y mae'r busnes i gael ei ystyried ganddo fuddiant sy'n berthnasol i'r busnes hwnnw;

(b) os oes gan ddim llai na hanner aelodau gweithrediaeth arweinydd a chabinet y mae'r busnes i gael ei ystyried ganddo fuddiant sy'n berthnasol i'r busnes hwnnw a bod naill ai paragraff (ch) neu baragraff (d) hefyd yn gymwys;

(c) yn achos cyngor sir neu gyngor bwrdeistref sirol, os byddai anallu aelod i gymryd rhan yn tarfu ar gydbwysedd gwleidyddol yr awdurdod perthnasol neu'r pwyllgor o'r awdurdod y mae'r busnes i'w ystyried ganddo i'r fath raddau nes y byddai'r canlyniad yn debygol o gael ei effeithio;

(ch) os yw natur buddiant yr aelod yn gyfryw fel na fyddai cyfranogiad yr aelod yn y busnes y mae'r buddiant yn berthnasol iddo yn niweidio hyder y cyhoedd yn y modd y mae busnes yr awdurdod perthnasol yn cael ei gynnal;

(d) os yw'r buddiant yn gyffredin i'r aelod ac i gyfran arwyddocaol o'r cyhoedd;

(dd) os oes cyfiawnhad i'r aelod gymryd rhan yn y busnes y mae'r buddiant yn berthnasol iddo oherwydd rôl neu arbenigedd penodol yr aelod;

(e) os yw'r busnes y mae'r buddiant yn berthnasol iddo i'w ystyried gan bwyllgor trosolygu a chraffu i'r awdurdod perthnasol ac nad yw buddiant yr aelod yn fuddiant ariannol;

(f) os yw'r busnes sydd i'w ystyried yn berthnasol i arian neu eiddo corff gwirfoddol y mae'r aelod yn aelod o'i bwyllgor neu ei fwrdd rheoli heblaw fel cynrychiolydd yr awdurdod perthnasol ac nad oes gan yr aelod unrhyw fuddiant arall yn y busnes hwnnw ar yr amod na fydd unrhyw ollyngiad yn ymestyn i gymryd rhan mewn unrhyw bleidlais mewn perthynas â'r busnes hwnnw; neu

(ff) os yw'n ymddangos i'r pwyllgor ei bod o les i drigolion ardal yr awdurdod perthnasol i'r anallu gael ei godi, ar yr amod bod hysbysiad ysgrifenedig bod y gollyngiad yn cael ei ganiatáu yn cael ei roi i Gynulliad Cenedlaethol Cymru o fewn saith diwrnod a hynny mewn unrhyw fodd y gall ei bennu.”

*I'w dychwelyd i'r Swyddog Monitro, Cyngor Gwynedd, Caernarfon, LL55 1SH.*

*Os oes gennych unrhyw gwestiynau am y ffurflen hon, cysylltwch â'r Uwch Gyfreithiwr (Corfforaethol):  
ffôn - 01286 679168 e-bost - [sionH@gwynedd.gov.uk](mailto:sionH@gwynedd.gov.uk)*